

柳風三集

椰風三集

著 者：劉祖霞

出版者：椰風書室

香港西摩道八號香港花園A九號

印刷者：天藝印刷廠

香港九龍福榮街三四八號

中華民國七十三年十月編印



。士女堯景梁妻亡與獻

前言

一九七七年九月二十三日晚餐後，先室梁景堯女士因心臟病突發逝世。曾填小詞三首以致哀悼。出示好友王文山先生。由其提議將來印刷椰風三集時。刊於卷首。將該集奉獻。以留紀念。久未遂願。今承好友蘇錫文先生，費神請人抄寫、排字、印刷。得償宿願。爰書數言於卷首。藉表謝忱而代序言。

民國七十三年夏日 劉祖霞於香港。

椰風三集

江西萍鄉劉祖霞

臨江仙

悼亡

三十九年恩愛好。勞卿替我持家。三男教養受人誇。滿門皆博士。種桂盡開花。
。賞月中秋差四日。將邀親友參加。奈何頃刻隔天涯。沙魚空有翅，哈密枉
生瓜。

少年游

悼亡之二

當年婆島共清遊。攜手聽晴鳩。紅蕉影裏。綠椰陰下。並坐話綢繆。如今寂
寞空房內。人去影徒留。枕冷三更。衾辜半幅。無語淚頻流。

釣船笛

悼亡之三

本是好鴛鴦。爭奈忽然分拆。偏值菊黃苔紫。惹傷心詞客。中秋已過又重陽。依舊淚頻滴。魂夢也難相見。恨人天遙隔。

塞兒令

到澳洲。遠塵憂。餘寒未消冬尙留。朝聽晴鳩。暮數閒鷗。朝暮不知愁。風來樹擺無休。空澄月掛如鉤。望雲思舊友。把酒話前遊。悠。醉臥柳邊樓。

臨江仙

丙辰餞歲

浪跡多年今息影。依然餞歲香江。神州霧鎖客心傷。朔風朝刺骨。寒雨夜迴腸。龍去蛇來春未改。庭梅岸柳難忘。惟期早日慶還鄉。歸途芳草綠。到處杏花香。

虞美人

步和封淑英女詞人

經年離別些時聚。縱是能重遇。靈烏今夜把河填。渡得雙星暫會喜無邊。隔河彼此情何異。一水遙遙繫。痴心只望得相親。那管滿天雲霧阻行人。

一翦梅

一到新春喜氣揚。老爲詩狂。幼爲嬉忙。東風着意好時光。日燦芸窗。花燦蘭堂。息影香江願豈償。髮也斑蒼。面也焦黃。故園桃李總難忘。靚過紅妝。美過瓊漿。

江城子

巍巍樓閣倚空蒼。自閒窗。眺遐方。只恨春來。濃霧便高張。欲瞰神州終不見。山隱隱。水茫茫。婆洲已倦到香江。志仍強。鬢添霜。瘴雨蠻風。斷送好時光。怎敵故園春事美。花似錦。鳥如簧。

漁家傲

最喜夏初天易曉。山居四面聞啼鳥。朝日遲遲猶未到。人起早。自携瓶水澆花草。澆罷樓頭聊一眺。青山綠水依然好。一個早蟬鳴樹杪。聲美妙。悠揚似奏江南調。

鷓鴣天

烟雨郊遊

春日郊遊景物奇。微風細雨也相宜。烟籠翠柳鶯無語。雨濕紅桃蝶亂飛。山
暗淡。海迷離。黃昏未到已人稀。雀鳴樹杪休多聽。漫踏歸途綠草肥。

南歌子

天涯時雨潤榴花

柳絮剛飄盡。春容又減些。紅棉不再鬥朝霞。剩有池塘青草護鳴蛙。夏至催
鶯老。春歸令蝶嗟。莫因時易怨天涯。應喜天涯時雨潤榴花。

又

香港花園A座九樓即景

鐵鳥穿雲去。樓船破浪來。重重秀嶺翠屏排。兩岸層樓如筍倚天栽。入目風光美。縈心國事乖。故國菡萏料全開。不道老來依舊滯天涯。

又

夜景

月色天空朗。燈光海岸繁。紅黃點點綠團團。便是銀河燦爛比猶難。浪湧船搖彩。樓高客倚闌。萬千前事莫心酸。且趁今宵美景逐塵煩。

蝶戀花

盼得春來春又去。滿地殘紅。鶯燕都無語。鎮日椰風搖綠樹。黃昏一陣芭蕉雨。已是夢魂無着處。明月今宵。偏惹閒情緒。枕畔忽然聞杜宇。挑燈起續傷心句。

蝶戀花

哭關明兄

雨慘風淒花又折。依舊閒庭。亂草重重壓。夜夢無憑雞叫絕。傷心怕見簾間月。
。擬把深情逢日說。誰道天公。偏教人長訣。紅臘窗前心亦裂。縱橫流淚都
成血。

蘇幕遮

同前

雨如絲。風似片。滴碎芭蕉。吹得高椰顫。窗外紅花樑上燕。色黯聲悲。似曉
人間恨。禍無常。天易變。一霎風波。捲盡心頭願。多少深情天不管。只許
今生。夢裏重相見。

蝶戀花

哭上海劉以祥兄

記得蓬萊同採藥。常藉櫻花。笑把流霞酌。無奈緣慳辜所學。天涯海角俱飄泊

。可恨東君情太薄。幾陣狂飈。頓教尋難着。從此人間天上各。臨風對月情懷惡。

蝶戀花

同前

水遠山遙羈客旅。怕對椰風。更怕聽蕉雨。一夜閒愁知幾許。今朝又落花無數。
。滿擬重逢傾肺腑。噩耗傳來。腸斷天涯處。鶯燕情傷都不語。蝶蜂飛向深林去。

臨江仙

悼關洛明先生

小住婆洲初識面。交朋共仰賢良。身遭敲刃斷人腸。銜將今古恨。博得姓名香。
。此日同儕憑吊處。有人倍覺神傷。從今誰與話興亡。人間情渺渺。泉下路茫茫。

滿江紅

同前

秋到婆洲。柳風靜。芭蕉雨歇。猶記得。茶餘論世。酒闌觀月。國事不堪回首憶。人生那忍從頭說。惜英才有志竟無成。腸千結。明忠義。全名節。身雖死。魂難滅。定塚邊青草。長沾碧血。有我縱知泉下意。非君誰解心中熱。欲臨風一哭訴深情。空聲咽。

眼兒媚

悼丘金鐘兄

當日同居樂何長。促膝話麻桑。最堪回憶。朝曦共步。夜雨聯床。如今獨自憑闌處。風雨助淒涼。一堆黃土。幾叢青草。永斷人腸。

鷓鴣天

誰道春來勝却秋。春來人世轉增憂。月明常被雲遮暗。花好難禁雨打休。鶯

宛轉。柳輕柔。輕柔宛轉只牽愁。人生況是如春夢。夢裏逢離不自由。

滿庭芳

目斷遙岑。心縈遠水。更當婆北深秋。椰風蕉雨。陣陣惹人愁。已覺閒花礙眼。
。何山鳥。聒耳無休。黃昏候。歸帆片片。難認舊同遊。回頭。思往事。襄王夢醒。楚峽雲收。儘亂蛩似笛。殘月如鉤。看破人生幻戲。將煩惱一筆全勾。
。從今後。花朝月夕。不再上層樓。

清平樂

啼鶯舞燕。又識春風面。花事人顏都易換。心似青山不變。
船頭抱膝從容。
任他海闊天空。捲起銀濤如雪。橫陳椰島猶龍。

清平樂

新春試筆。室燦烘窗日。庭滿紅花廳滿橘。更喜兒孫繞膝。兩兒歸自英倫。雙雙術湛心仁。不必追求名利。只期拯救黎民。

沁園春

步和世強詞長春感

翠聳遙山。紅闌前庭。人立曉風。看小園新築。蜂歡集舞。高樓暫寄。燕喜重逢。柳展輕黃。桃飄宿絳。地近南溟風景同。添情趣。有樓船破浪。鐵鳥穿空。歡容。笑語堂中。喜狡兔驅除起伏龍。況兒孫團聚。柑桔圍繞。春光縱短。樂事難窮。鬚髮斑蒼。精神矍鑠。肯負新春佳氣融。抬頭望。正樓隨日燦。海映霞紅。

臨江仙

堪羨漁人牽掛少。任隨潮汐沉浮。天空海闊儘情遊。雨收山色美。舟緩水波柔。

。水調歌聲豪爽甚。抑揚頗似齊謳。漁燈點點燦汀洲。靜觀能悟理。閒聽可忘憂。

眼兒媚

旨酒

高樓聚飲樂融融。酒美又肴豐。一簾波碧。半窗山翠。幾個詩翁。鈎詩最好陳年釀。隨意兩三鍾。紅蓮影裏。綠楊陰下。紫燕聲中。

醉花陰

草勁

處處秋風飄落葉。山瘦禽鳴歇。緩步入幽林。勁草溪邊。風疾何曾折。邦危士志應如鐵。勁草宜同列。請看宋文山。三載拘燕。不爲淫威屈。

滿庭芳

月籬菊酒

傍池榭敞。輝籬月亮。弄影花黃。重逢至友心舒暢。菊酒同嘗。當美景。聊驅

幻想。試佳肴。且潤詩腸。期身壯。秋高氣爽。來歲再飛觴。

解佩令

先室去世一週年

遙山減翠。新涼換暑。又週年。從卿別去。小室同前。只朝暮。難堪獨處。縱
園花。依然媚嫵。遠鐘敲夢。淒風吹雨。更頻添。無窮酸楚。亟向遺容。問
泉下。卜居何許。奈遲遲。默無回語。

芭蕉雨

赴日年方十七。爲拯人報國將醫習。努力竟成虛擲。漫憶別府溫泉。蓬山曉日
。歸後天涯浪跡。贏得髮斑白。種芭蕉幾棵書齋側。望只望。可祛炎。那管
小院風狂。閒窗雨急。

南歌子

壽聲

夏去荷容槁。秋來月色澄。柳凋楓冷剩黃英。更有秋蟲多種伴潮鳴。念遠情難已。懷鄉夢未成。望中雲霧阻歸程。無奈天涯倚枕聽濤聲。

一剪梅

秋思

緩緩秋風送早涼。桂蕊飄香。菊蕊搖黃。中秋過了又重陽。花爲霜傷。人爲寒忙。故國同胞斷料腸。既少錢糧。更少衣裳。人生禁得幾滄桑。來日方長。何日重光。

眼兒媚

醉秋

秋來夏去永無休。轉眼白人頭。絳濡楓葉。香飄桂蕊。總惹閒愁。百佳樓上蒙招飲。情趣又相投。吟詩繪畫。敲棋煮酒。同醉清秋。

人月圓